

# Naram Dili Ka Bayan (Kitabul Rikak Bukhari Sharif) /1



Maulana Muhammad Imran Kasmi Bijnavi.  
Ek Hazar Muntakhab Hadeese Bukhari Sharif Hindi se  
lipyantaran kiya gaya he.

**Note- 'Hadees ki Rivayat ka khulase he'.**

**Bismillahirrahmanirrahim**

- \*Sehat Aur Faragat
- \*Dunya Me Is Tarah Raho
- \*Khalis ALLAH Ki Raza Ke Liye Kiya  
Jaye
- \*Nek Logo Ka Duniya Se Uth Jana
- \*Maal Ke Fitne Se Darna
- \*Khairat Kare

## Sehat Aur Faragat

\*Bukhari, Raavi Hazrat Abdullah Bin Abbas Rd:> Rasulullah ﷺ ne farmaya sehat aur faragat do aisi nemate he jinki log kadar nahi karte.

Vajahat- jo log tandurusti aur faragat ko sirf duniyavi fayde ke haasil karne me kharch karte he vo nuksan uthate he, balki sehat aur faragat me aakhirat ke liye jiyada se jiyada kaam karne chahiye.

## Dunya Me Is Tarah Raho

\*Bukhari, Raavi Hazrat Abdullah Bin Umar Rd:> Rasulullah ﷺ ne mere dono kandho ko pakadkar farmaya dunya me is tarah raho jis tarah koyi musafir rehta he.

Hazrat Abdullah Bin Umar (Rd) farmaya karte the ki jab sham ho to subah ka intejar na karo aur jab subah ho to sham ke muntajir na raho, balki

tandurusti me bimari ka saaman karlo  
aur zindagi me apni maut ka saaman  
karlo.

Vajahat- jis tarah koyi musafir pardes  
ko apna asli vatan nahi samajhta issi  
tarah momin ko chahiye ki vo dunya ko  
apna asli vatan na samjhe.

Ek hadis me he ki Rasulallah ﷺ ne  
farmaya dunya me khud ko kabar valo  
me se shumar karo. (Fathul Bari)

## **Khalis ALLAH Ki Raza Ke Liye Kiya Jaye**

\*Bukhari, Raavi Hazrat Itaban Bin  
Malik Rd:> Rasulallah ﷺ ne farmaya  
kayamat ke din jo adami is halat me  
hajir ho ki dunya me usne khalis  
ALLAH ki raza ke liye 'la ila-ha  
illallahu' kaha ho to ALLAH uspar  
jahannam ko haram kardenge.

\*Bukhari, Raavi Hazrat Abu Hurairah  
Rd:> Rasulallah ﷺ ne farmaya

ALLAH irshad farmate he ki jis momin bande ki mehbub chiz ham dunya se uthale aur vo uspar sabar kare to uski jaza hamare yaha sivay jannat ke aur kuchh nahi he.

Vajahat- yani uska beta, bhai ya aur koyi chiz jisse vo muhabbat karta he, agar vo sabar ka pradarshan kare aur shikayat ka huruf juban par na-laye to use ALLAH ke fazlo karam se jannat me thikana milega. (Fathul Bari)

### **Nek Logo Ka Duniya Se Uth Jana**

\*Bukhari, Raavi Hazrat Miradas Aslami Rd:> Rasulullah ﷺ ne farmaya kayamat ke najdik nek log dunya se ek ke baad ek utha liye jayege, baki jau ke bhuse aur khajur ke kachre ki tarah kuchh log reh jayege jinki ALLAH ko zarra bhar parvah na hogi.

Vajahat- nek logo ka dunya se rukhsat

hona kayamat ki ek nishani he. (Fathul Bari)

## Maal Ke Fitne Se Darna

\*Bukhari, Raavi Hazrat Abdullah Bin Abbas Rd:> Rasulullah ﷺ ne farmaya agar adam ke bete (yani insaan) ko do vadiya maal se bhari mil jaye to ye tisri vadi (jungle) ki talash me pareshan hoga, aur adam ke bete ka pet to mitti hi bharegi, lekin jo ALLAH ki taraf jhukta he ALLAH bhi uspar meharban ho jata he.

Vajahat- ek hadis me he ki har ummat ko ek fitna pesh aata tha aur meri ummat ke liye khatarnak fitna maal aur daulat ki jiyadati aur adhikata he. (Fathul Bari)

## Khairat Kare

\*Bukhari, Raavi Hazrat Abdullah Bin Masud Rd:> Rasulullah ﷺ ne farmaya

tumme se kaun aisa he jisko apne varis ka maal khud apne maal se jiyada pyara ho? Sab ne arz kiya ya Rasulullah! Ham sab ko apna hi maal piyara he. Farmaya apna maal to vo he jo ALLAH ke raste me kharch karke aaghe bhej diya, jo chhodkar mare vo to variso ka maal he.

### **Fitno Se Nijat**

\*Bukhari, Raavi Hazrat Abu Hurairah Rd:> Rasulullah ﷺ yu dua kiya karte the tarjuma- Ae ALLAH! Muhammad ki aal ko jarurat ke mutabik rizk ataa farma.

Vajahat- aap agar pet bharkar khajur khate to jau ki roti mayassar na aati thi, zindagi gujarne ke is tarike se amiri ki aafat aur fakar aur faake ke fitne dono se nijat mil gayi thi. (Fathul Bari)